

SAN MARINA

SHOES & ACCESSORIES

AVENTURA MALL PH:5883987

PALM BEACH PLAZA MALL PH:5860293

Proyecto di socialevormingsplicht a worde ehecuta y ta canando den bon direccion

Presidente di Comision di enseñanza; drs. Laina Westerhof



ORANJESTAD (AAN)* Comision di Enseñanza di Parlamento di cual Parlamentario Laina Westerhof ta presidi a bishita Mariniers Kazerne. E comision a haci un bishita pa haya un

bista con ta bayendo cu e grupo di hobennan cu ta siguiendo e trayecto di Formacion Social. Mainta trempan e comision a worde ricibi pa e comandante Hofman, Eerste Officier Damen

y Kapitan Werleman y esnan cu a forma parti di e proyecto aki. Na Mariniers Kazerne e comision a haya un presentacion amplio di parti sr. Harms cu a splica desde comienzo con henter e proyecto a cuminsa y con el a canalisa. Kapitan Werleman tambe a duna un splicacion amplio di kico tur a worde haci cu e hobennan pa e parti disciplinario y parti di condicion pero tambe su experiencia trahando cu e hobennan. Parlamentario Westerhof a tuma nota cu durante e presentacion a trece algun kinderziektes dilanti cu nan mes ta conciente di dje di cual lo worde mehora o cambia pa e siguiente trayecto. Esaki ta

algo di elogia paso segun Parlamentario Westerhof semper ora cuminsa cu algo nobo e temor na loke e por resulta of e cambio ta pone cu negativismo ta domina y criticanan hopi biaha. Pues e team tras di e proyecto aki a tuma nota di algun kinderziektes cual nan ta conciente di nan y nan a trece nan abiertamente dilanti cu meta pa trece mehoraacion. Durante final di e dia por a observa un presentacion chikito di e hobennan cu ta forma parti di e formacion social mustando nos ki tur nan a siña. Algo positivo ta cu Parlamentario Westerhof a tuma nota di dje ta cu interes ta creciendo di algun compania o instancianan pa nan tambe forma parti di e trayecto den loke ta trata e aporta na cursonan. Un di e companianan cu tabata presente ta APA, cu den futuro lo desea di aporta den un forma positivo y forma parti di e proyecto aki ofreciendo cursonan. Parlamentario Westerhof ta anhelar pa wak mas di e companianan aki y instancianan cu ta trata na aporta na formacion di nos hobennan cu ta futuro di mañan di Aruba pa medio di proyectonan asina. Durante cu tabata prepara pa e proyecto a menciona e oportunidad di trata na haci algo pa e hobennan femenino nan tambe. Segun parlamentario Laina Westerhof sigur lo pone atencion riba e parti pa e hobennan femenino nan tambe. Un punto cu tog ta preocupante y un poco fastioso ta e cantidad di hoben cu na caminda a retira, sea pa heimwee of e rutina disciplinario ta duro. Tambe tin casonan cu mayor-



nan mes a saca nan yiunah. E ta keda un sacrificio pa cada hoben cu ta forma parti di un proyecto, pero no mester lubida cu e ta un sacrificio di un tempo cual despues bo lo wak e fruto di dje y como mayor lo bo ta orguyoso di dje. Cu e proyecto aki pais Aruba ta inverti den cada un di hobennan aki pa yudanan cu e parti disciplinario y haya un papel den nan man y hiba e pais aki dilanti, maske den cual situacion di bida nan por ta cu ta negativo tin un proyecto cu ta kere den nan como un hoben y futuro di Aruba. Parlamentario Westerhof ta duna di conoce cu a trece sugerencianan y cambianan pa dilanti pa esnan en-carga cu e proyecto tene cuenta cune pa asina den futuro hacie mas atractivo y pa asina logra mantene e hobennan te final. E ta keda un trabao duro pero no imposibel, Parlamentario Westerhof ta admira y gradici cada uno cu ta forma parti di e trayecto aki y ta yuda na forma hobennan saludable den nos comunidad.